

《金剛藥叉瞋怒王息災大威神驗念誦儀軌》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 21, No. 1220

No. 1220

金剛藥叉瞋怒王息災大威神驗念誦儀軌

南天竺三藏金剛智奉 詔譯

爾時金剛手虛空庫菩薩摩訶薩。觀察天宮諸大菩薩天龍等八部。而從座起偏袒右肩。白釋迦牟尼佛言。乃往古昔無量俱胝大劫。為求法故。流轉器世間。多有波旬王等令我多退佛法。唯願薄伽梵。聽示現權身說大威神驗真言。佛言欲現何權身。答曰願現大聖藥叉金剛形。過去佛已現。現在佛今現。未來佛當現。我今非過去非現在非未來。現我自心三昧忿怒。而守護佛法愍念有情。佛言善哉大聖欲護持佛法愍念有情。仁者善可現權說大靈驗真言。我與仁加持護念。俱共說真言慈護持者。即時未起座。現三面六臂大威忿怒為毒形。以七珍瓔珞莊身。其身長大無量遍身火焰燃。如劫焰烟威猛。顧視四方如獸王象勇猛。誦真言先持行者。捧止羽為鈴拳當乳上。以觀羽作劍縛置膝上。以止羽共第一嚙字反拳縮引。共第二鑊嚙返觀羽。羽即二手如鳳威柏米勢。共第三嚙下止上觀拍節出聲。共第四感引二羽磨轉。共五發吒互止觀上下三返以拳纏身。置頂左三轉成辟除。右三轉成結界。後以印各押四合。瞋目怒口。甚怖畏體誦明真言曰

曩莫三滿多沒馱南(引一)阿胃迦(引二)尾曩(引三)嚙(入四)毘只迦(引五)縛日羅菴(平引五)設咄嚙(二合)鑊嚙(引六)達磨薩嚙(引七)吒迦爾(若以反)尾伽哩嚙(引八)尾伽哩嚙(引九)設咄嚙(二合)吽(引十)嚙(入八)訖哩(二合)訖哩(二合九)伽嚙(八)伽嚙(入引九)伽伽嚙(引十)感(入十一)鳴祖(主於反)摩羅嚙(引十一)設咄嚙吽(引十三)跋折羅跋折羅(十三)多伽嚙(引十二)也(十四)多伽嚙(引十三)也(十五)娑發吒(二合十六)娑發吒(二合十七)吽發吒(引二合十八)

爾時佛說此真言。三千大千世界六種震動。摩醯首羅等大自在力王眾所居宮殿。皆悉散動不得安穩。悉雲集來頂戴藥叉金剛。唯願大力尊哀愍。令得我無畏安樂威德。藥叉王白佛言。此等魔王等。所憂惱如何願何為。佛言猶暫令可愍此等得樂。即許此等已。即時魔王白忿怒王言。我俱共加神力守護佛法各退散。若有惡人怨結於善人起擾惱。法師應當畫神驗忿怒王像隨意大少。作三角壇向人所居方。作惡心誦上大靈驗真言。每日三時二十一遍。滿三日已。惡人死亡眷屬無殘留。若欲甦生取蓮花根搗末。以大悲三昧真言一日一夜不飲食。滿一百八遍。即惡人及眷屬甦。於佛法起歸敬。二羽合拳屈進力。作谷口撥之。心起大悲。真言曰

曩莫三曼多沒馱南(引)伽吽婆羅(二合)設咄嚧鳴訶(引平)莎嚧(二合)賀

欲得佛法大靈驗。先像前作四肘方壇。壇中安白銅大器。盛滿香水。從月一日迄十五日。燒香散花致誠禮敬。誦大靈驗真言。晝夜無間不嘗睡眠。全堅固精進。且不安居不安立留。十五日間無斷絕。而滿十萬遍。藥叉王自現身加持持誦者。即念憐愍有情故。示現妙形像。二世菩提何非成就。即隨喜怖畏被此忿怒尊加持。時設諸惡人惡魔惡禽獸。乃至厭禱蠱術魑魅魍魎惡鬼神等。起惡心欲惱害行人。遠近來向行人住處。則路中自所殺害。此神驗卅里外圍繞。令無諸障礙。又金剛藥叉為施調伏故。說大威怒王根本大心真言(是呪印甚祕密故。非表儀軌。即在別卷。親近阿闍梨。承事可習學。甚密故)誦此呪時。一切魔王鬼眾。不得安穩怖懼之事。如大靈驗真言無異。呪印別。若欲行此呪。如聖不動尊念誦儀軌。而作法先右膝著地。至心歸命一切佛菩薩。懺悔無始生死罪障。隨喜一切諸佛菩薩所集善根。勸請一切如來聖眾。發菩提心供養諸佛即勸請真言曰

唵(一)嚧日囉(二合)藥叉(二合)也多多那伽梨那(二)尾菴吒(引)吽吽莎嚧(二合)賀(引)

澡像真言曰

唵吽娑婆嚧儂也(二合)哈

闍伽真言曰

唵阿頗羅(二合)底嚧(引)吽

奉座真言曰

唵尾迦尼左羅尼(二)嚧(入)

著衣瓔珞真言曰

唵矩尼矩尼薩矩尼(引)也伊(牟)

獻香花燈塗真言曰

唵摩尼(引)娜伽伽娜三摩三摩矩嚧提嚧莎嚧(二合)賀

讚嘆藥叉金剛曰

嚧日囉(二合)嚧咄羅藥乞叉嚧日囉(二合)底哩嚧尾菴梨(二合)賀嚧(引上)嚧日囉(二合)摩訶藥乞叉(上)藥乞叉(上)婆嚧伽嚧也(引平)嚧(短)

生歡喜悅意。可誦此讚嘆偈

善哉善哉嚧藥叉 憐愍有情我等類

無倫比像化含靈 何者寧為何惱法

加持數珠真言曰

唵縛日囉豎尼

奉送真言曰

唵尾訖灑(二合)耶吽嚧(入)

上所說十種供養讚嘆等真言。皆持用三股金剛杵。二羽中受鈷當心誦一一真言。各應想流出威德。執持金剛鈷。真言曰

唵(一)參馱縛日羅(二合)醯顛尾吠縛日羅(二合)唵

若欲一切障難解脫。合丸藥二兩。各把左右掌。踞著者而誦大靈驗真言七遍。加持著者塗背後。一時解脫一切障難一切口舌橫死短命等。若又欲急殺惡人。畫人像姓名置調伏壇。最初角削竹釘穿立腹中。誦大靈驗真言。以曝噉卒怒心。呪一百八遍。一遍一打便斃。又欲急縛惡人令歸佛道。以惡心誦大呪三遍。取黑石共後發吒。羽內迴之自然被縛。又欲解免者。誦大慈三昧明三遍。便得本心即言。自今已後歸依佛道。更不生起邪見不善心。又欲好女自得及令他得。松皮書好女姓名。繫像前誦大慈三昧真言。七遍啟白威怒王。如是每日三時繫念。白啟威怒王慈愍故。自乘好女意。不令生他心自從宮宅出踰來。愛著夫人。更無他念。寧他妻非他夫。夫厭妻妻厭夫。一心一向歸後夫婦妻。俱常發菩提心。恒教化夫人矣。又欲得官位。像前至心燒香。設種種供養。三日三夜乃至七日七夜間。可誦大慈三昧。真言祈願。所願無一不成。則作增益法。自成就唯修行法時。隨念向望方。細示方如護摩壇作法已。欲出道場誦此真言。發遣聖眾。真言曰

唵嚩日囉(二合)藥乞叉(二合)底那底他也(二合)毘吽吽唵

說此等種雜威德瞋怒法時。一切魔怨調伏加衛護。願護持佛法。是故行者修習時。慎莫起惡心數損他。有智人善悟是祕道。輒亂不得誦呪。唯除冥和忍辱人。年滿四十而得自順順他。智者若幼稚人行好習誦時不得解脫道。隨自損損他深過。行者多應有慈悲利益一切有情界。出堂任意而轉讀大乘。住不退轉地

金剛藥叉念誦儀軌